

ԱՍԱ՛,  
*որ սիրում եմ նրանց*

ՄԱՅԻՐ Ապրիլի սիրո ՄԱՍԻՆ  
ՀԱՅՏՆՈՒԹՅՈՒՆ ԲԵՉ ՀԱՄԱՐ

ԶՈՅՍ ՄԱՅԵՐ

#1 ՆՅՈՒՅՈՐԹ ԹԱՅՄՍ ԱՄԵՆԱԿՎ ՎԱՃԱՌՎՈՂ ԳՐԹԵՐԻ ՀԵՂԻՆԱԿ



ԶՈՅՍ ՄԱՅԵՐ

#1 ՆՅՈՒ ՅՈՐՔ ԹԱՅՄՍ ԱՄԵՆԱԼԱԿ ՎԱՃԱՌՎՈՂ ԳՐՔԵՐԻ ՀԵՂԻՆԱԿ

Զոյս Մայեր

Ասա՛, որ սիրում եմ նրանց

# Բովանդակություն



Ծանոթություն.....	5
1. Աստված սիրում է ձեզ.....	7
2. Արդյո՞ք ես շատ լավն եմ .....	13
3. Սերը փոխհարաբերություն է.....	21
4. Սեր, վստահություն և հավատք .....	27
5. Ազատագրում՝ վախից.....	33
6. Սերը տարածվում է.....	39
7. Աստծո սերը կփոխի ձեզ .....	45
Ապրե՛ք նոր կյանք.....	49
Աստված սիրում է ձեզ.....	51
Հեղինակի մասին .....	53

# Ծանոթություն



Ես հավատում եմ, որ ամեն ինչից առավել մարդիկ Աստծո սիրո հայտնության կարիքն ունեն: Սա այն հիմքն է, որի վրա կառուցվում է հաղթական կյանքը, և մենք, որպես քրիստոնյաներ, պետք է հիմնվենք սրա վրա: Մենք ոչ թե Աստծո սիրո վերաբերյալ մեծ գիտության կարիք ունենք, այլ հայտնության: Սա միայն կարող է շնորհվել Սուրբ Հոգուց, երբ յուրաքանչյուր հավատացյալ խորհում է Աստծո սիրո մասին, պահում Աստծո սերն իր կյանքում և փնտրում այդ հայտնությունն Աստծո Խոսքի և աղոթքի միջոցով:

Միանգամայն հեշտ է ընդունել, որ Աստված այնքան է սիրում ամբողջ աշխարհը, որ Հիսուսին ուղարկեց՝ մեռնելու բոլորի համար: Բայց փոքր-ինչ դժվար է հավատալ, որ եթե նույնիսկ դուք միակ անձը լինեիք երկրի վրա, Աստված այնքան է սիրում ձեզ, որ դարձյալ կուղարկեր Հիսուսին՝ մեռնելու միայն ու միայն ձեզ համար:

Ես տարիներ շարունակ կոտրված քրիստոնյա լինելուց հետո միայն հասկացա Աստծո սերը: Աստված գթառատորեն հայտնեց իմ հանդեպ ունեցած սերը՝ Սուրբ Հոգու միջոցով: Այդ պարզ հայտնությունը փոխեց իմ ամբողջ կյանքը և Իր հետ ունեցած ընթացքը:

Ես հավատում եմ՝ ինչ որ կարդաք այս գրքում, ձեզ նոր խորաթափանցություն և հասկացողություն կտա Աստծո սիրո վերաբերյալ, ձեր մեջ նոր քաղց կառաջացնի՝ այս հայտնությունն անձամբ ձեզ համար ունենալու: Ես հորդորում եմ, որ կարդաք դանդաղ՝ ուսումնասիրելով և խորհելով սուրբգրային խոսքերի և մտքերի շուրջ:

Այս գիրքը խոնարհությամբ ձեզ եմ ներկայացնում՝ իմանալով, որ ես ոչինչ եմ՝ առանց Նրա, և ինչ հայտնություն կամ հասկացողություն էլ ունեմ Նրա Խոսքի վերաբերյալ, միայն Նրա շնորհքով է:

# 1

## Աստված սիրում է ձեզ



*«Որովհետև Աստված այնպես սիրեց աշխարհը, որ Իր Միածին Որդուն տվեց, որ ամեն Նրան հավատացողը չկորչի, այլ հավիտենական կյանք ունենա»:*

ՀՈՎՀԱՆՆԵՍ 3.16

Աստված ընտանիք է ցանկանում, դրա համար ստեղծեց մեզ, որ լինենք Իր երեխաները: Նա չի ցանկանում, որ գործենք մանուկների պես, այլ՝ որ կախված լինենք Իրենից, ապավինենք Իրեն և թույլ տանք, որ Նա սիրի մեզ: Նա ցանկանում է, որ վստահենք և մոտենանք Իրեն ամեն ժամանակ, երբ կարիք ունենք: Նա ցանկանում է անձնական հաղորդակցություն ունենալ մեզ հետ:

Մեզնից շատերը Հովհաննես 3.16 խոսքն ընդհանուր իմաստով են ընդունում. «Այո, ես գիտեմ, որ Հիսուսը մահացավ աշխարհի համար»: Սակայն չպետք է մտածենք՝ որ Հիսուսը մահացավ մարդկանց ընդհանուր խմբի համար: Հիսուսը մահացավ յուրաքանչյուր մարդու համար. Նա մահացավ ձեզ համար:

Եթե դուք այս երկրի վրա միակ անձը լինեիք, Նա կմահանար միայն ձեզ համար: Նա կկրեր բոլոր չարչարանք-

ները ձեզ համար: Աստված շատ է սիրում ձեզ: Նա սիրում է հավիտենական սիրով:

Մի օր, երբ մեքենա էի վարում, Աստված խոսեց սրտիս. «Ջոյս, դու իմ աչքի բիրն ես»: Ես նույնիսկ չգիտեի, որ այդ խոսքը գրված է Աստվածաշնչում: Սատանան անմիջապես ինձ մտքեր տվեց. «Արդյո՞ք սա հպարտություն է», «Քեզ ինչի՞ տեղ ես դրել»: Այսպիսով, ես սկսեցի ինքս ինձ ասել. «Ես չպետք է այդպես մտածեի»: Մեր մարմնական մտածողությանը խորթ է այն գիտակցությունը, որ մենք յուրահատուկ ենք, շնորհալի և տարբեր: Մեզնից յուրաքանչյուրն ստեղծված է որպես անհատ, որպեսզի տարբերվի մյուսներից:

Երբ մտածում էի այդ մասին, Աստված իմ ուշադրությունը կենտրոնացրեց մի տիկնոջ վրա, ով կանգնած էր շուկայում՝ խնձորների հսկայական կույտի դիմաց, և աչքի էր անցկացնում բոլոր խնձորները, մինչև գտավ մեկը, որ իսկապես լավագույնն էր: Հետո նա ձեռքը երկարացրեց և վերցրեց խնձորը: Դրանով Աստված ինձ ցույց տվեց, որ ես իր համար «լավագույն խնձորն էի»: Ես յուրահատուկ անձնավորություն էի: Աստված նույն խոսքերն ասում է իր զավակներից յուրաքանչյուրին: Նա ոչ թե ասում է, որ դուք լավն եք, իսկ մյուսները՝ ոչ, այլ՝ որ մենք բոլորս յուրահատուկ ենք: Սա գրված է Խոսքի մեջ, իսկ Խոսքը յուրաքանչյուրիս համար է: Դուք Աստծո աչքի բիրն եք:

Ես չեի ընդունում այն, ինչ Աստված ասել էր, քանի որ դատապարտություն էի զգում իմ անձի մասին նման ձևով



մտածելու համար: Մոտավորապես երկու օր հետո բացեցի Աստվածաշունչը և, կարդալով Սաղմոս 17.8-ը, ցնցվեցի: Այնտեղ գրված էր. «Պահիր ինձ՝ ինչպես աչքի բիբ, և Քո թևերի շուքի տակ ծածկիր ինձ»: Ես ասացի. «Ուրեմն, դա իսկապես Աստծուց էր: Ես Աստծո աչքի բիբն եմ»: Երկար ժամանակ ինձ յուրահատուկ էի զգում, երբ մտածում էի այդ խոսքերի մասին:

Մարդիկ իրենց սրտում սիրված լինելու տենչանք, փափագ և ցանկություն ունեն: Աստված է մեզ այդպիսին ստեղծել: Շատ մարդիկ հավատում են, որ Աստված սիրում է աշխարհը, Հիսուսին, բայց դժվարությամբ են հավատում, որ Նա սիրում է նաև իրենց: Աստծո Խոսքն ուսուցանում է, որ Աստված սիրում է նրանց այնքան շատ, որքան Հիսուսին: Նա սիրում է ձեզ այնքան շատ, որքան Հիսուսին: Ուշադրությամբ կարդանք Հովհաննեսի 5.20-րդ խոսքը.

*«Որովհետև Հայրը սիրում է Որդուն և ամեն բան ցույց է տալիս Նրան, որ Ինքն անում է, և սրանցից էլ ավելի մեծ-մեծ գործեր ցույց կտա Նրան, որ դուք զարմանաք»:*

Այստեղ Աստված ասում է. «Ես այս բոլոր մեծ գործերն անում եմ Հիսուսի միջոցով և սրանցից էլ ավելի մեծ գործեր կանեմ Նրա միջոցով, որ դուք զարմանաք»: (Հեղինակի վերապատմումը): Հրաշալի է զարմանալ ինչ-որ բանով և երկյուղած լինել այն բանի հանդեպ, ինչ Աստված է անում:

Մենք կարդում ենք այս խոսքերը, բայց հաճախ բաց ենք թողնում այն, ինչ Աստված ցանկանում է անել մեզ համար: Նա ցանկանում է, որ ուշադրություն դարձնենք այն մեծ գործերին, որ Նա արել է Հիսուսի միջոցով, ապա հիանանք և ասենք. «Տեր, հրաշալի է այն, ինչ Դու արել ես Հիսուսի միջոցով»: Հետո Նա ցանկանում է, որ կարդանք Հովհաննեսի Ավետարանի 14.12-ը, որտեղ Հիսուսն ասում է. «.... Ինձ հավատացողը, այն գործերը, որ ես գործում եմ, նա՛ էլ կգործի, և սրանցից էլ ավելի մեծ բաներ կգործի, որովհետև ես Իմ Հոր մոտ եմ գնում»:

Աստված միևնույն գործերը կանի ձեր միջոցով, և դրանցից էլ ավելի մեծ գործեր կանեք, քանի որ Հիսուսը գնացել է Իր Հոր մոտ: Հավատում եք սրան: Արդյո՞ք դուք իսկապես հավատում եք, որ Աստված սիրում է ձեզ և կգործածի ձեզ:

Մի օր, երբ ես պարապում էի, Աստված ասաց. «Ջոյս, ամեն օր ես շատ բաներ եմ անում մարդկանց համար, քանի որ սիրում եմ նրանց, և նրանք նույնիսկ չեն էլ նկատում դրանք: Նրանք բոլորովին չեն էլ իմանում դրա մասին: Ես քեզ միայն մեկ օրինակ կտամ: Ամեն օր, երբ խոսում եմ արևի հետ և ասում՝ ծագիր, Ես դա անում եմ Ջոյսի, Բեթթիի, Ջեյմի (լրացրե՛ք այստեղ ձեր անունը) համար»:

Մի պահ կանգ առեք և մտածե՛ք սրա մասին: Ամեն օր երկնքում արևը ծագում է ձեզ համար: Այո՛, արևը: Մենք կարծում ենք, թե այդպես էլ պետք է լինի: Մենք գիտենք, որ արևը բարձրանում է ամեն օր, բայց իմացե՛ք, որ այն

ծագում է ձեզ համար: Երբ անձրև է գալիս ժամանակին, այն գալիս է ձեզ համար: Երբ ծյուն է գալիս, այն դարձյալ գալիս է ձեզ համար: Աստված այդչափ սիրում է ձեզ:

*«Եվ իմացիր, որ քո Եհովա Աստված է Աստված, հավատարիմ Աստվածը, որ Իրեն սիրողների և Իր պատվիրանները պահողների համար մինչև հազար ազգ ուխտ ու ողորմություն է պահում»:*

ԵՐԿՐՈՐԴ ՕՐԻՆԱՑ 7.9

Դուք կարծում եք, թե հազար սերունդը բավական երկար ժամանակահատված է, որպեսզի հարված հասցնեք Աստծո սիրուն: Նա հավիտենական Աստված է, և դուք չեք կարող սպառել Նրան: Շատերը մտածում են, թե սպառել են Աստծուն իրենց պակասություններով և խառնակություններով, բայց դուք չեք կարող դա անել: Սերը չի սպառվում, և դուք չեք կարող ստիպել Աստծուն, որ չսիրի ձեզ: Սերը ինչ-որ բան չէ, որ Աստված անում է: Նա Ինքն է սերը:

Նույնիսկ ամենակեղտոտ, ապականված մեղավորը, ով երբևէ քայլել է այս երկրի վրա, եթե թքի Հիսուսի աչքերին և ասի. «Ես ամենևին էլ չեմ ցանկանում հաշտվել Քեզ հետ, ես լիովին բավարարված եմ նույնիսկ դժոխք գնալով», այնուամենայնիվ Աստված սիրում է նրան: Ինչպե՞ս կարող էր չսիրել նրանց, ովքեր ընտրված և պահված են Աստծո նպատակի համար:

Հնարավոր է՝ դուք արդեն իսկ ասել եք. «Ես ընդունում եմ Հիսուսին իմ սրտում և սիրում եմ Նրան»: Բայց ես

հարցնում եմ ձեզ, թե որքանով եք հավատում, որ Աստված սիրում է ձեզ:

Սա շատ պարզ պատգամ է ձեզ համար: Աստված սիրում է ձեզ: Բայց սա այն հիմքն է, որ Նա պետք է դնի ձեր մեջ, որպեսզի կարողանաք հասկանալ շատ այլ բաներ:

Կարևոր չէ, թե ինչ եք սովորում կամ ուսումնասիրում Աստծո վերաբերյալ. եթե չեք կարող ընդունել այն փաստը, որ Աստված սիրում է ձեզ, շատ հեռու չեք գնա: Ձեր հանդեպ Աստծո սերը՝ ձեր հավատքի, մեղքից ազատագրվելու և ուրիշներին համարձակորեն ծառայության մեջ առաջնորդելու կարողության հիմքն է: Արդյո՞ք դուք կընդունեք ձեր հանդեպ ունեցած Նրա սերը: Աստված սիրում է ձեզ:

## 2

# Արդյո՞ք ես շատ լավն եմ



«Հոյսն էլ չի ամաչեցնում, որովհետև Աստծո սերը փռված է մեր սրտերում Սուրբ Հոգու ձեռքով, որ տրվեց մեզ: Որովհետև երբ որ մենք դեռ տղար էինք, Քրիստոսը մեզ համար իր ժամանակին ամբարիշտների փոխարեն մեռավ: Որովհետև հազիվ թե մի արդարի համար մեկը մեռնի (բայց մի բարի մարդու համար թերևս մեկը համարձակվի մեռնել): Բայց Աստված հայտնեց իր սերը՝ մեզ, որ երբ դեռ մեղավոր էինք, Քրիստոսը մեզ համար մեռավ: Ապա որքան ավելի հիմա, որ արդարացանք Նրա արյունով, կփրկվենք Նրանով բարկությունից: Որովհետև երբ դեռ թշնամի էինք, Աստծո հետ հաշտվեցինք Նրա Որդու մահով, որքան ավելի, որ հաշտված ենք, կապրենք Նրա կյանքով»:

ՀՌՈՄԵԱՑԻՆԵՐԻ 5.5-10

Շատերը հավատում են, որ Աստված սիրում է իրենց, քանի դեռ իրենք գործը չեն փչացրել: Սովորաբար՝ մարդիկ չեն սիրում իրենց անձը, այդ պատճառով եզրակացնում են, որ Աստված նույնպես չի կարող սիրել իրենց: Աստվածաշունչն ասում է. «Ի՞նչ է մարդը, որ Դու հիշում ես նրան....» (Սաղմ. 8.4): Մենք ուղղակի Աստծո ստեղծա-

գործությունն ենք, և Նա սիրում է մեզ, որովհետև սիրում է մեզ: Նա սեր է (տե՛ս Ա Հովհ. 4.16):

Նա սիրում է ձեզ, և դուք յուրահատուկ եք: Սա նշանակում է, որ դուք առանձնահատուկ և եզակի անձ եք: Դուք չպետք է նման լինեք ինձ, և ի՛նչ էլ ես պետք է նման լինեմ ձեզ: Մենք թշվառ կլինենք, եթե փորձենք նմանվել ինչ-որ մեկին: Սա հնարավորություն է տալիս սատանային՝ ասելու ձեզ, որ դուք լավը չեք: Փաստն այն է, որ Աստծո համար դուք չպետք է լինեք «շատ լավը»:

Արդյո՞ք Հիսուսը մահացավ ձեզ համար, քանի որ դուք շատ մեծ կամ հրաշալի էիք, թե՛ Նա մահացավ ձեզ համար, քանի որ սիրում էր ձեզ: Աստվածաշնչում ասվում է, որ եթե Նա այնքան սիրեց ձեզ, որ մահացավ ձեզ համար, երբ դեռ մեղավոր էիք, արդյո՞ք չի սիրի ձեզ հիմա, երբ արդարացաք Նրա արյունով (տե՛ս Հռոմ. 5.8,9): Նա այնքան է սիրում ձեզ, որ ծածկում է ձեր ամենօրյա փոքր սխալները: Նա այնքան է սիրում ձեզ, որ ազատում է ձեր ամենօրյա դժվարություններից՝ Իր զորությունով և հաղթությունով:

Մի օր Աստված ինձ ցույց տվեց մի օրինակ, թե ինչպես է Նա նայում մեր սխալներին և թերություններին: Պատկերացրե՛ք մոտավորապես 4-5 տարեկան փոքրիկ երեխայի, ով միշտ հետևում է իր մայրիկին՝ տնային գործեր անելիս: Նա այնքան է սիրում իր մորը, որ վերցնում է ջրով լի փոքրիկ դուլին ու լաթի կտորը և քայլում դեպի տան առաջնամասի փակ պատշգամբի գեղեցիկ պատուհանները: Փոք-

րիկն սկսում է լվանալ և, իսկապես, լավ է լվանում, հետո վերցնում է թղթե սրբիչներն ու չորացնում լվացածը:

Անշուշտ, այս ամենից հետո պատուհանները կեղտոտ և օճառոտ տեսք կունենան: Այս ամենը տեսնելով՝ դուք ուղղակի կցանկանաք բռնել նրա պարանոցից, առավել ևս, որ նա օգտագործել է ձեր լավագույն լաթերն ու սրբիչները: Բայց նա ներս է մտնում և իր նուրբ, քաղցր ձայնով ասում. «Մայրիկ, մայրիկ, ես լվացել եմ քո պատուհանները: Ես այս գործն արել եմ քեզ համար: Ես սիրում եմ քեզ, մայրիկ»:

Սիրող մայրը կասի. «Օ՛հ, հրաշալի գործ ես արել: Շնորհակալություն օգնության համար»:

Շուտով փոքրիկը մեկ այլ գործ է նախաձեռնում՝ այս անգամ նա մաքրում է կեղտոտ հատակը: Մայրը դարձյալ կարգի է բերում սենյակը և ուղղակի բացատրում նրան, որ այլևս նույն սխալը չանի:

Աստված ճիշտ այսպես է վարվում մեզ հետ: Նա միշտ մաքրում է մեր սխալների հետքերը: Եթե դուք անում եք լավագույնը՝ ձգտելով հաճեցնել Աստծուն, իմացե՛ք, որ դա բավարար է Նրա համար: Նա չի ակնկալում, որ դուք ինչ-որ անհնարին բան անեք: Նա կարող է փոխել ձեզ, եթե ասեք. «Տէր, Դու ճիշտ ես, իսկ ես՝ սխալ: Ես փորձել եմ և չեմ կարողանում փոխվել»: Նա կփոխի ձեզ, որովհետև գիտի, որ չեք կարող ինքներդ ձեզ լավը դարձնել՝ առանց Իր օգնության:

*«Որովհետև Նա, Ում Աստված ուղարկեց, Աստծո բանն է խոսում, քանի որ Աստված Հոգին չափով չի տալիս: Հայրը սիրում է Որդուն և ամեն բան Նրա ձեռքն է տվել»:*

ՀՈՎՀԱՆՆԵՍ 3.34,35

Մի օր, երբ ուսումնասիրում և խորհում էի այս խոսքի շուրջ, ուրախությունից բացականչեցի՝ գիտակցելով, որ Աստված Իր Հոգին չափով չի շնորհում: Նա չի բավարարվում միայն մի փոքրիկ հպումով:

Փոխարենը՝ ասում է. «Ահա, ընդունե՛ք այն ամենը, ինչ Ինձ է պատկանում»: Այսօր Աստծո զորության և սիրո ամեն մի մասնիկը ձեզ է տրված: Նա ունի այն ամենը, ինչ ձեզ պետք է, և ցանկանում է, որ դուք ընդունեք: Ինչհիմա: Որովհետև Նա սիրում է ձեզ: Դուք չպետք է շատ լավը լինե՛ք՝ դրան արժանանալու համար, քանի որ չեք կարող դա անել բավարար կերպով: Դուք չպետք է նաև շատ խելոք կամ խելոճ լինեք: Աստված ցանկանում է այդ ամենը շնորհել, քանի որ սիրում է ձեզ:

Երկրորդ Օրինաց 7.6,7 խոսքերում Աստված ասում է.

*«Որովհետև դու սուրբ ժողովուրդ ես քո Եհովա Աստծո համար. քո Եհովա Աստված քեզ ընտրեց, որ դու Նրա համար սեփական ժողովուրդ լինես, երկրի երեսի վրա եղող բոլոր ազգերի միջից: Ոչ թե ձեր բոլոր ազգերից շատ լինելու համար Եհովան ձեզ սիրեց և ձեզ ընտրեց, որովհետև դուք բոլոր ազգերից քիչ էիք»:*

Աստված Իսրայելն ընտրեց, որ լինի Իր սեփական ժողովուրդը, և որպես եկեղեցի՝ մենք այսօր հոգևոր Իսրայելն



ենք: Այսպիսով, այս խոսքը որքան նրանց է պատկանում, այնքան էլ՝ ձեզ: Աստված նրանց ասում էր. «Ես ձեզ չընտրեցի այն պատճառով, որ դուք երկրի վրա եղած ազգերից ամենամեծն էիք»: Ինչ վերաբերում է մեզ, Աստված միգուցե կասեր հետևյալը. «Ես ձեզ չընտրեցի այն պատճառով, որ դուք ամեն ինչ ճիշտ էիք անում կամ շատ հրաշալի էիք»:

Շարունակելով Իր խոսքը՝ Նա խրայելցիներին ասում է՝ դուք ուրիշներից ավելի քիչ էիք:

Եթե դուք ինձ նման եք, անշուշտ, մինչև ձեր փրկվելը, մտածել եք, որ ուրիշներից ավելի վատն եք: Տեսե՛ք, թե ինչ է գրված 8-րդ խոսքում.

*«Այլ՝ Եհովան ձեզ սիրելու համար և ձեր հայրերին արած երդումը պահելու համար... ձեզ զորավոր ձեռքով ծառայության փանհից հանեց, եգիպտացիների փարավոնի ձեռքից ազատեց»:*

Սա բացահայտում է պատճառը: Աստված ասում է. «Ես դրեցի Իմ սերը ձեր մեջ և ասացի, որ դուք սուրբ եք: Ես ասացի, որ դուք յուրահատուկ եք: Ես ոչ թե ընտրեցի ձեզ, որովհետև դուք լավ էիք և հրաշալի, այլ՝ որովհետև Ես սիրում եմ ձեզ»: Գիտե՞ք, թե ինչ է ցանկանում Աստված, որ այսօր անեք: Նա ցանկանում է, որ դուք ընդունեք և ստանաք Իր սերը:

Մեզնից շատերի համար ամենամեծ խնդիրն այն է, որ մենք մեզ չենք սիրում: Մենք չենք հավատում, որ Աստված կամ էլ ինչ-որ մեկը սիրում է մեզ՝ մեր էությանը հանդերձ:

Մտածում ենք՝ ինչպե՞ս կարող են նրանք մեզ սիրել. մենք այնքան կեղտոտ ենք: Եթե դուք հավատում եք, որ տգեղ և կեղտոտ եք, կմտածեք, կդատեք և կգործեք տգեղ և կեղտոտ ձևով: Այդ դեպքում դուք չեք կարող բարձրացնել ձեր սրտում ունեցած պատկերացումը ձեր անձի հանդեպ:

Մի ժամանակ իմ ամենամեծ խնդիրն այն էր, որ ես ինձ չէի սիրում և իմ ժամանակի 75 տոկոսը տրամադրում էի ինձ փոխելուն: Մտածում էի, որ ես չափազանց շատ եմ խոսում, ուստի փորձում էի հանգիստ լինել: Բայց երբ հանգիստ էի, ընկճվում էի, և բոլորը ցանկանում էին իմանալ, թե ինչու եմ հանգիստ: Հետո մտածում էի. «Բայց դուք ինձ ասացիք, որ մեծ բերան ունեմ: Հանգիստ թողեք ինձ: Ես ուղղակի փորձում եմ հանգիստ լինել»:

Չեմ կարող ասել, թե քանի տարի դա տևեց: Ես միշտ ընկնում էի փորձության մեջ՝ իմ լեզվի պատճառով: Շատախոս մարդիկ հաճախ ամուսնանում են հանգիստ մարդու հետ: Դա միայն ընդգծում է ձեր մեծաբերան լինելը, նույնիսկ՝ ավելին, սատանան հաճախակի կհիշեցնի ձեզ դրա մասին: Նա ջանասիրաբար աշխատում է, որպեսզի ձեզ մեղավոր զգաք և դատապարտության մեջ ընկնեք:

Աստված ցանկանում է, որ ազատ լինեք դատապարտությունից, բայց դա համարձակություն է պահանջում: Կարևոր չէ, թե որքան մեղավոր եք զգում ձեզ. Աստված չի հատուցի այն բանի համար, որ սխալ եք արել: Իսկապես, դժվար է հավատալ, որ Աստված սիրում է ձեզ նաև այն ժամանակ, երբ ինչ-որ բան սխալ եք արել:

Սատանան միշտ հարձակվում է ձեզ վրա մտքերի միջոցով՝ թե դուք շատ վատն եք, կեղտոտ և տգեղ: Նա ասում է. «Մի ժամանակ դու սա ես արել: Քեզ ինչի տեղ ես դրել: Աստված քեզ նման կեղտոտին երբեք չի օրհնի, սիրելի բարեկամ: Դու այժմ չես կարող վկայել որևէ մեկին: Դու չես կարող որևէ ճիշտ բան անել»:

Ահա այդ ժամանակ է, երբ համարձակություն է պահանջվում, որ ձեր ներքին մարդն ասի. «Հայր, ես սխալ եմ արել, և խնդրում եմ, որ ներես ինձ՝ Հիսուսի արյունով: Ես անկեղծ եմ իմ սրտում և ցանկանում եմ ստանալ Քո ներումը: Սատանա՛, հեռացիր: Հիսուսը վճարել է իմ մեղքերի համար, և դա քո գործը չէ»: Այնուհետև դուք կարող եք լինել ուրախ ու երջանիկ: Հնարավոր է՝ մտածեք. «Ես շարունակ անում եմ միևնույն հիմարությունը»: Մի ժամանակ ես շատ էի մտածում, մինչև որ դադարում էի իմ արարքը դատապարտելուց: Երբ դադարում եք դատապարտելուց այն, ինչ արել եք, դադարում եք նաև դա կրկին անելուց:

Հանցանքը և դատապարտությունը ձեզ պահում են ճնշված և ընկճված վիճակում, և դուք չեք կարող ազատ լինել: Պահանջվում է համարձակություն՝ դատապարտությանը տեղ չտալու համար: Դուք պետք է լինեք համարձակ անձնավորություն և գործեք հավատքով, որպեսզի բարձրանաք և ասեք՝ ո՛չ մեղքին: Սատանան ձեզ կասի. «Մտադրված ես նույնիսկ վատ չզգալ դրա համար: Ինչո՞ւ, դու պետք է մի քանի ժամ վատ զգաս: Այն, ինչ արեցիր, իսկապես վատ էր»: Այն ամենը, ինչ դուք պետք է ասեք,

հետևյալն է. «Ո՛հ, ես վստահ չեմ: Ես բոլորովին էլ վատ չեմ զգալու դրա համար»: Սկզբի մի քանի անգամները դժվար են, բայց 3-4 անգամից հետո կսովորեք:

Եսայի 53.5,6,11 խոսքերը մեզ ասում են, որ Հիսուսը ոչ միայն վերցրեց մեր մեղքերը, այլ նաև կրեց մեր անօրենությունը (որը ներառում է նաև դատապարտությունը): Սատանան չի ցանկանում, որ դուք ազատ լինեք դատապարտությունից: Ինչո՞ւ: Որովհետև, երբ դուք դատապարտության մեջ եք, չեք կարող իրապես զգալ Աստծո սիրո ջերմությունը: Դատապարտությունը պողպատե պատի պես ձեզ բաժանում է Աստծուց: Դուք չեք կարող տեսնել Հայր Աստծուն, երբ մեղքի մեջ եք: Այն ամենը, ինչ կարող եք տեսնել՝ ձեր հանցանքներն ու մեղքերն են:

Ապրե՛ք դատապարտությունից ազատ: Հավատացե՛ք, որ երբ Աստված ասում էր, որ Իր շնորհքը բավարար է՝ ծածկելու նույնիսկ ձեր մեղքերը, հենց սա՛ նկատի ունեք: Նա սիրում է ձեզ, և Նրա շնորհքն ու ներումը ձրի պարզևներ են: Ընդունե՛ք այդ պարզևներն այսօր:

Աստված սիրում է ձեզ:

### 3

## Սերը փոխհարաբերություն է



*«Եվ մենք հավատացինք և ճանաչեցինք այն սերը, որ Աստված ունի մեր հանդեպ: Աստված սեր է, և ով մնում է սիրո մեջ, Աստծո մեջ է բնակվում, և Աստված՝ նրա մեջ»:*

Ա ՀՈՎՀԱՆՆԵՍ 4.16

Ինչպե՞ս կարող եք ավելի շատ գիտակցել և տեղյակ լինել Աստծո սիրո մասին: Կարևոր չէ, թե որքան շատ է Նա սիրում ձեզ. եթե դուք չեք գիտակցում կամ տեղյակ չեք դրա մասին, դա ձեզ օգուտ չի տա: Գիտե՞ք, թե որքան լավ եք զգում, երբ ինչ-որ մեկը սեր է ցուցաբերում ձեր հանդեպ: Դուք ձեզ այնքան հրաշալի եք զգում, որ կարող եք ամբողջ մարդկությանն ուրախությամբ ընդունել: Աստված սիրում է ձեզ և ցանկանում է ցուցաբերել այդ սերը: Նա ցանկանում է, որ դուք ամեն օր ժամանակ անցկացնեք Իր հետ:

Արդյո՞ք դուք իրական անձնական հաղորդակցություն ունեք Աստծո հետ: Այն հանգամանքը, որ դուք ինչ-որ ժամանակ առաջ փրկություն եք ընդունել, չի նշանակում, որ հրաշալի հաղորդակցություն ունեք Աստծո հետ:

Առավոտյան, երբ աչքերս բացում եմ, նախ և առաջ մտածում եմ Աստծո մասին, և գիշերը, նախքան քնելս,

դարձյալ մտածում եմ Նրա մասին: Այս աշխարհում չկա ոչ մի բան, որ ցանկանում եմ ավելի շատ, քան՝ իմ Աստծուն ծառայելն ու հաճեցնելն է: Եվ սա արժե ամեն բան:

Մեր հոգում կա մի ճեղք, որը միայն Աստված կարող է լցնել: Ուրիշ ոչ մի բան չի կարող լցնել այդ դատարկությունը՝ ոչ մի ցանկություն կամ նպատակ, որի ետևը դուք վազում եք: Միգուցե ասեք. «Ես դա գիտեմ և արդեն իսկ ընդունել եմ Հիսուսին»: Բայց արդո՞ք դուք ընդունում եք Նրան ամեն բոլոր, ամեն օր, ամեն իրավիճակում: Արդյո՞ք ընդունում եք Աստծո սերը:

Աստված սիրում է ձեզ, և դուք Նրա համար յուրահատուկ եք:

Նա ստեղծեց մեզ, որպեսզի հաղորդակցվենք Իր հետ: Սա է Նրա ամենամեծ ցանկությունը և կատարյալ կամքը մեր կյանքի համար: Ամեն առավոտ Նա ասում է. «Բարի լոյս, Ես սիրում եմ քեզ»:

Իմ ընկերներից մեկին մի անգամ՝ աղոթքի ժամանակ, տեսիլք էր երևացել, թե ինչպես է Հայրը առավոտյան այցելում ամերիկացիների տները: Նա ներս է մտնում՝ հաղորդակցվելու և խոսելու նրանց հետ: Նստում է սեղանի մոտ և սպասում: Մարդիկ՝ արթնացած, գնում-գալիս են: Նրանք Աստծուն շարունակ ասում են. «Հետո, Աստված, մի քիչ էլ սպասիր այստեղ: Հենց որ սա ավարտեմ, կգրուցեմ Քեզ հետ: Ես հետո կհաղորդակցվեմ Քեզ հետ: Հետո, Աստված, հետո...»: Այդպես էլ օրն ավարտվում էր: Եվ ընկերս, ով տեսել էր այս տեսիլքը, ասում էր, որ դա կոտրել

էր իր սիրտը, որովհետև նա տեսել էր, թե ինչպես էր Աստված ավստսանքով հեռանում այդ տներից:

Չափազանց շատ զբաղված մի՛ եղեք: Եթե դուք ժամանակ չունեք աղոթելու, Աստծո հետ հաղորդակցվելու, դուք չափազանց շատ եք զբաղված: Ժամանակ հատկացրեք՝ ասելու Աստծուն, թե որքան շատ եք սիրում Նրան: Երբ ամեն ինչ անցնի, և բոլոր դժվարություններն ու հրճվանքները մնան ետևում, կհասկանաք, որ չկար որևէ բան՝ Աստծուց առավել: Եթե դուք չունեք հաղորդակցություն Աստծո հետ, մի քիչ ուշ կլինի ձեզ համար: Սա չի նշանակում, որ դուք Երկինք չեք գնա, այլ՝ բաց կթողնեք այս երկրի վրա հաղթանակած կյանք ապրելու ուրախությունը:

Ես առաջարկում եմ, որ մի տարի առանձնանաք և թույլ տաք, որ Աստված Իր սերը ցուցաբերի ձեզ: Դադարեցրե՛ք ձեր փորձերը՝ սեփական ուժերով հավատքի և գործության մարդ լինելու և հավատքով գործելու: Ուղղակի ե՛տ նահանջե՛ք և գործե՛ք երեխայի պես: Սողոսկե՛ք ձեր Հոր քղանցքը և թո՛ւյլ տվե՛ք, որ Աստված սիրի ձեզ: Դուք չե՛ք կարող սիրել Նրան՝ մինչև թույլ չտաք, որ Նա սիրի ձեզ:

Հովհաննեսի առաջին թղթի 4.16-ում ասվում է.

*«Եվ մենք հավատացինք և ճանաչեցինք այն սերը, որ Աստված ունի մեր հանդեպ....»:*

Արդյո՞ք դուք առավոտյան արթնանում և ժամանակ եք հատկացնում՝ մտածելու, թե որքան է Աստված սիրում ձեզ: Սովորաբար, երբ առավոտյան արթնանում եք, չե՛ք զգում,

որ կարող եք ինչ-որ բան անել: Բայց դուք պետք է գործածեք ձեր բերանը՝ ակտիվացնելու ձեր մարմինը և թույլ տալու, որ ձեր հոգևոր մարդն արթնանա և հրաշալի գործեր անի:

Այսպիսով, երբ առավոտյան արթնանում եք, պետք է ասեք. «Հայր, ես շնորհակալ եմ, որ շատ ես սիրում ինձ: Շնորհակալ եմ, որ ուղարկեցիր Հիսուսին՝ մեռնելու ինձ համար: Հայր, ես շնորհակալ եմ, որ Սուրբ Հոգու հետ եմ: Շնորհակալ եմ, որ հարության զորությունը բնակվում է իմ հոգում: Տե՛ր, շնորհակալ եմ Քեզ, որ այսօր՝ ուր էլ որ գնամ, օրհնություն կլինեմ: Աստված իմ, Դու սիրում ես ինձ: Դու սիրում ես ինձ իմ փոքրիկ տան մեջ: Դու սիրում ես ինձ, և ես Քո յուրահատուկ երեխան եմ: Ես Քո աչքի բիրն եմ: Դու սիրում ես ինձ»:

Դուք պետք է խոսեք ձեզ հետ, հաշիվ տաք ձեզ ու գիտակցեք, որ շրջապատված եք Աստծո սիրով: Աստվածաշունչն ասում է, որ Աստված Իր ձեռքի մեջ է նկարագրել ձեզ (տե՛ս Եսայի 49.16): Ես կարող եմ պատկերացնել Նրան Երկնքում՝ հետևյալ խոսքերն ասելիս. «Նայի՛ր նրան, արդյո՞ք նա գեղեցիկ չէ: Ես նրան շատ եմ սիրում: Նայի՛ր Իմ զավակին Իմ ձեռքի ափի մեջ»: Ձեր պատկերը Նրա ափի մեջ է՝ որպես հաստատական հիշեցում, որ Նա սիրում է ձեզ և փափագում է հաղորդակցվել ձեզ հետ:

Հիշե՛ք, որ պետք է երախտապարտ լինեք Աստծուն և զարգացնեք ձեր հաղորդակցությունը Նրա հետ: Երբեմն աղոթքի ժամանակ պետք է ընկնեք երեսնիվայր և գոհա-



նաք Աստծուց, որ փրկված եք: Ետ դարձեք և սիրե՛ք Աստծուն: Կարդացե՛ք Հովհաննեսի առաջին թղթի 4.16,17 խոսքերը, որտեղ Նա ասում է.

*«.... Աստված սեր է, և ով մնում է սիրո մեջ, Աստծո մեջ է բնակվում, և Աստված՝ նրա մեջ: Սրանում է սերը կապարյալ մեր հանդեպ, որ համարձակություն ունենանք դարաստանի օրը, որովհետև՝ ինչպես Նա է, այնպես էլ մենք ենք այս աշխարհում»:*

Իմանալով, որ Աստված սիրում է ձեզ՝ վստահե՛ք և ապավինե՛ք Նրա հավատարմությանը: Բոլոր օրհնությունները՝ մեծ հավատքը, մեղքի դեմ հաղթանակը, բժշկությունը, բարգավաճումը և ուրախությունը կգան և կհասնեն ձեզ, երբ Աստծո սիրուն տեղ տաք ձեր կյանքում: Շատ հաճախ մենք պտտվում ենք դրա շուրջ և մտածում. «Այո՛, ես պետք է սիրեմ Աստծուն»: Ես հավատում եմ, որ դուք առաջին հերթին պետք է թույլ տաք Աստծուն՝ սիրել ձեզ: Դուք չեք կարող արտահայտել ձեր սերն Աստծո նկատմամբ՝ մինչև թույլ չտաք, որ Նա սիրի ձեզ:

Ես կարող եմ ասել՝ հաղորդակցվե՛ք Աստծո հետ, բայց գիտե՛ք, թե ինչպես են դա անում: Երբ Աստված ինձ ասաց, որ հաղորդակցվեմ Իր հետ, ես մոտեցա իմ բազմոցին, նստեցի և ասացի. «Հիմա ի՞նչ, Աստված»: Ես չգիտեի՝ ինչպես հաղորդակցվել Աստծո հետ, քանի որ չգիտեի, թե իրականում որքան շատ է Աստված սիրում ինձ: Ինչպե՞ս եք արտահայտում ձեր զգացմունքները մարդկանց նկատմամբ. արդյո՞ք սիրում և պատվում եք նրանց, երբ վստահ

չեք, որ նրանք սիրում են ձեզ: Դուք կվախենաք հիմար վիճակում հայտնվելուց: Դուք հանգիստ եք նրանց հետ, ովքեր սիրում և ընդունում են ձեզ: Ես կարող եմ հանգիստ շփվել ամուսնուս հետ, որովհետև գիտեմ, որ նա սիրում է ինձ: Նույնը վերաբերում է Աստծո հետ շփմանը: Այսպիսով, վեր կացեք և սկսեք: Տվեք Աստծուն հնարավորություն, և Նա կսովորեցնի, թե ինչպես հաղորդակցվել Իր հետ: Հենց հիմա ինքներդ ձեզ հարցրեք. «Արդյո՞ք ես հանգիստ եմ Աստծո հետ»: Աստված սիրում է ձեզ:

## 4

# Սեր, վստահություն և հավատք



*«Որովհետև Քրիստոս Հիսուսում ո՛չ թլփատությունն է մի բան կարող, և ո՛չ էլ անթլփատությունը, այլ՝ հավատքը, որ սիրով գործում է»:*

ԳԱՂԱՏԱՅԻՆԵՐԻ 5.6

Մեզնից շատերը շատ ժամանակ են հատկացնում՝ փորձելով հավատք ձեռք բերել: Մենք գիտենք, որ առանց հավատքի անհնար է հաճեցնել Աստծուն (տե՛ս Եբր. 11.6), դրա համար աշխատում և պայքարում ենք՝ ավելի շատ հավատք ունենալ: Բայց հավատքը սրտից է, և դա կարելի է ձեռք բերել միայն սիրո հաղորդակցման կապի միջոցով: Ես իսկապես չեմ կարող հավատք սովորեցնել, բայց կարող եմ սովորեցնել հավատքի սկզբունքների մասին, ինչը ձեզ կստիպի այնպիսի քաղց զգալ, որ ամեն ինչ կանեք՝ դրան հասնելու համար: Դա միայն հնարավոր է Աստծո հայտնության միջոցով:

Դադարե՞ք դժվարությամբ հավատք ձեռք բերելու և Աստծուն հաճեցնելու փորձերը, փոխարենը՝ սկսե՛ք ձեր ժամանակն ու ջանքերը նվիրել Նրան սիրելուն: Ամեն ինչ արե՛ք՝ Նրան սիրելով և թույլ տալով, որ Նա էլ ձեզ սիրի:

*«Որովհետև հավատքով ենք գնում, և ոչ թե երևոյթով»:*

Բ ԿՈՐՆԹԱՑԻՆԵՐԻ 5.7

Մի անգամ, երբ կարդում էի Սուրբ գրքի խոսքերը, Աստված զորավոր բաներ խոսեց սրտիս: Ես փորձում էի քայլել հավատքով՝ կյանքիս յուրաքանչյուր իրավիճակում, նույնիսկ՝ ամենաչնչին հարցերում: Եվ Աստվածաշնչի «Էմփիֆայդ» թարգմանության՝ Կորնթացիներին ուղղված երկրորդ թղթի 5.7-ում ասվում է. «...մենք համապատասխանեցնում ենք մեր կյանքը և ղեկավարում մեր անձերը՝ ըստ մեր հավատքի և համոզմունքի...»:

Այլ խոսքով՝ իմ կյանքը հիմնված է այն ամենի վրա, ինչին հավատում եմ Աստծո հետ իմ փոխհարաբերության մեջ: Արդյո՞ք հասկանում եք սա: Այն անձնավորությունը, ով հավատում է, որ ինքն անարդար է, թո՛ղ մոռանա հավատքով քայլելու մասին: Այն անձնավորությունը, ով հավատում է, որ ինքը հողի միջի որթ է, և Աստված չի սիրում իրեն, նույնպես թո՛ղ մոռանա հավատքով քայլելու մասին: Շատ մարդիկ փորձում են քայլել հավատքով, բայց դրանից ավելի ոչինչ չունեն իրենց սրտում:

Գաղատացիներին ուղղված թղթի 5.6-ում ասվում է, որ հավատքը գործում է սիրով: Աստված սրտիս խոսեց հետևյալ ճշմարտությունը. «Մարդկանց կարծիքով՝ այս խոսքի իմաստն այն է, որ եթե իրենք չեն սիրում ուրիշ մարդկանց, իրենց հավատքը չի գործում: Սակայն այս

խոսքն ամենևին էլ դա չի նշանակում: Իրականում, այս խոսքի իմաստն այն է, որ եթե նրանք չգիտեն, թե որքան շատ եմ սիրում իրենց, նրանց հավատքը չի գործի»:

Հավատքը, առանց սիրո, չի գործի: Դուք չեք կարող սիրել ուրիշ մարդկանց. դուք պետք է թույլ տաք, որ Ամենակարող Աստված սիրի ձեզ:

Կա մեծ տարբերություն դրանց միջև: Վստահել Աստծուն, քայլել հավատքով՝ նշանակում է ապավինել և վստահել Նրան ամեն ինչում: Դուք դա չեք կարող անել, եթե չգիտեք, որ Նա սիրում է ձեզ: Դուք երբեք չեք վստահի Աստծուն, եթե չգիտեք, որ Նա սիրում է ձեզ:

Եթե դուք իսկապես գիտեք, թե որքան շատ է Աստված սիրում ձեզ, քիչ կանհանգստանաք ձեր բժշկության կամ ֆինանսական կարիքների բավարարման համար: Պատճառը, որ չեք կարողանում ընդունել ձեր կարիքների լուծումը, այն է, որ լիովին չեք վստահում Աստծուն, չեք հավատում, որ Նա կարող է ամեն բան շնորհել ձեզ: Միգուցե ասեք. «Ես ցանկանում եմ հավատալ, բայց ինչպե՞ս հավատամ դրան»: Աստծո սերը ձեր սրտերում է, և դուք պետք է սկսեք ճանաչել այդ սերը, երբ Նա ցույց է տալիս ձեզ: Աստվածաշնչում ասվում է. «Մենք սիրենք Նրան, որովհետև սկզբում Նա սիրեց մեզ» (Ա Հովհ. 4.19): Անհնար է սիրել Աստծուն, եթե համոզված չեք, որ սկզբում Նա սիրեց ձեզ:

Այս ամենը ձեր մեջ է, ձեր սրտում: Աստված սիրում է ձեզ: Դուք հրաշալի եք: Դուք գեղեցիկ եք: Դուք թանկագին եք: Դուք ցնցող եք: Աստված սիրում է ձեզ: Ամբողջ աշխար-

հում ոչ ոք երբևէ ձեզ չի սիրի այնպես, ինչպես Աստված է սիրում: Աստծուց բացի՝ ոչ ոքի կարիքը չունեք, սակայն Նա ձեզ կտա նաև այլ ընկերներ: Ճշմարտությունն այն է, որ եթե ուրիշ ոչ ոք չլինի՝ բացի Աստծուց և ձեզնից, միևնույն է, ձեր կյանքը հրաշալի կդասավորվի: Աստված կլինի ձեր լավագույն ընկերը: Նա կլինի ձեր ընկերը, եթե դուք ընկեր չունեք: Նա կլինի ձեր մայրը կամ հայրը, եթե դուք ծնող չունեք:

Աստված շատ է սիրում ձեզ: Ահա թե ինչու կարող եք հավատալ Նրան ամեն հարցում: Նա այնքան է սիրում ձեզ, որ ցանկանում է՝ ձեր ուզածն ունենաք: Մինչև չիմանաք այս ճշմարտությունը, երբեք չեք գործի բավականաչափ հավատքով՝ ինչ-որ բան ընդունելու համար: Հավատքը գործում է սիրով, այսինքն՝ հավատքը գործում է, երբ Աստծուն թույլ եք տալիս սիրել ձեզ: Հավատքը չի գործում ձեր կարողությամբ, որ վեր կենաք և սիրեք ինչ-որ մեկին: Թո՛ղ տվեք Աստծուն՝ սիրել ձեզ և, ուր որ գնաք, ամբողջ օրը Նրան ասեք. «Տեր, ես գիտեմ, որ սիրում ես ինձ: Ալելուիա, Հայր, ես փառաբանում եմ Քեզ: Մեծարում եմ Քո անունը»:

### Հավատքն ընդդեմ մարմնի գործերի

Եփեսացիներին ուղղված թղթի 2.8-ում գրված է. «Որովհետև շնորհքով եք փրկված հավատքի ձեռքով...»: Արդյո՞ք գիտակցում եք, որ ոչինչ չեք արել փրկվելու համար: Մեզնից շատերն այնքան ապականված էին, երբ Հիսուսը փրկեց, և դա, անշուշտ, կախված չէր մեր բարի գոր-

ծերից կամ որևէ ճիշտ բան անելու կարողությունից: Մեր փրկության միակ պատճառն այն էր, որ Աստված այնպես սիրեց աշխարհը, որ Իր Միածին Որդուն տվեց, որ ամեն Նրան հավատացողը չկորչի, այլ՝ հավիտենական կյանք ունենա (տե՛ս Հովհ. 3.16):

Շնորհքը կարող է սահմանվել նաև որպես Աստծո կամք՝ գործածելու Իր կարողությունը ձեր կյանքում՝ ձեր կարիքները բավարարելու համար: Ինչպես Աստված Իր շնորհքով բավարար հավատք տվեց փրկվելու, այնպես էլ Նա Իր սիրով հավատք է տալիս բժշկվելու, բարգավաճելու, վստահելու, որ Նա ձեր բժիշկն է, ձեզ ապահովողը: Եթե այն հավատքը, որ Նա հաղորդեց ձեզ, բավարար էր փրկելու բոլոր մեղքերից, ապա միևնույն հավատքը, որ ձեր մեջ է, բավարար է նաև ձեր կյանքի մնացած կարիքները բավարարելու: Եթե դուք հավատում եք, որ Աստված սիրում է ձեզ, և իրապես ճանաչում եք Նրա սերը, կվստահեք Նրան: Դուք համոզված կլինեք Աստծո Խոսքի ճշմարտության վրա: Դուք կհավատաք, որ Նա երբեք չի ստում, քանի որ սիրում է ձեզ:

Ըստ «Էմփիլֆայդ» Աստվածաշնչի՝ «հավատքը՝ ձեր ամբողջ մարդկային էության ապավինումն է Նրան», «ամբողջությամբ վստահելն ու ապավինելն է Նրա զորությանը, իմաստությանը և բարությանը» (տե՛ս Կողոս. 1.4): Երբ թույլ տաք, որ Աստված սիրի ձեզ, կսովորեք սիրել ու վստահել Նրան և կունենաք հավատք:

Աստված սիրում է ձեզ:





## 5

# Ազատագրում՝ վախից



*«Վախ չկա սիրո մեջ, այլ կատարյալ սերը հեռացնում է վախը, որովհետև վախը տանջանք ունի, բայց նա, ով վախենում է, կատարյալ չէ սիրո մեջ»:*

Ա ՀՈՎՀԱՆՆԵՍ 4.18

Սովորաբար, մենք համարձակությամբ առաջ ենք շարժվում հավատքի քայլերով՝ վստահելով, որ Աստված սիրում է մեզ: Բայց հանկարծակի ինչ-որ բան հարձակվում է մեզ վրա:

Հավատքի ամենամեծ գողը՝ պարագաներն են՝ այն վատ միջադեպերը, որ տեղի են ունենում մեզ հետ: Ոչինչ չի խանգարում հավատալու, որ Աստված սիրում է ձեզ, մինչև որ պարագաները չեն փորձում ապացուցել հակառակը: Այնուհետև սատանան գալիս է իր վախով և դատապարտությամբ՝ բաժանելու ձեզ Աստծո սիրուց, որը կարող էր ազատագրել ձեզ այդ պարագաներից: Սատանան ձեզ ասում է. «Լավ, ի՞նչ կասես սրա մասին: Ես մտածում էի, որ Աստված սիրում է քեզ: Ինչո՞ւ են վատ բաներ տեղի ունենում քեզ հետ: Դու պետք է ինչ-որ սխալ բան արած լինես: Աստված իսկապես բարկացած է քեզ վրա»:

Այդ ամենից հետո դուք կորցնում եք վստահությունն Աստծո հանդեպ, իսկ Նա չի կարող ձեզ օգնել, եթե չեք վստահում Նրան: Դուք չեք կարող վստահությամբ կամ հավատքով լցված լինել, եթե չգիտեք, որ Աստված սիրում է ձեզ: Եվ եթե ընդունեք սատանայի վախի և դատապարտության բեռը, չեք էլ իմանա, թե որքան շատ է Աստված սիրում ձեզ: Հովհաննեսի առաջին թղթի 4.18-ում հզոր և ցնցող խոսք է ասվում. «.... կատարյալ սերը հեռացնում է վախը»: Ես խորհում էի այս խոսքի շուրջ, փորձում հասկանալ դրա իմաստը, և մի գեղեցիկ օր Աստված, ի վերջո, հայտնություն տվեց ինձ, որ կատարյալ սերը հեռացնում է վախը, և Աստված այդ կատարյալ սերն է:

Երբ դուք իմանաք, թե որքան կատարյալ է այդ սերը ձեր հանդեպ, ամբողջ ստեղծագործության մեջ չի լինի մեկը, որից կարող եք վախենալ: Անհնարին է վախենալ, եթե ունեք անձնական հայտնություն, որ Աստված սիրում է ձեզ:

Անհնարին է վախենալ ծախողումից, եթե գիտեք, որ Աստված սիրում է ձեզ: Դուք չեք կարող ծախողվել, եթե կախված եք Նրանից: Զախողվելու միակ ձևն այն է, որ կախվեք ձեր անձից: Եթե իմանաք, որ Աստված սիրում է ձեզ, երբեք չեք վախենա ծախողումից: Եթե իմանաք, որ Աստված սիրում է ձեզ, երբեք չեք վախենա մերժվելուց: Աստծո սերն այնքան մեծ է, որ ծածկում է ամեն ինչ: Դուք մտածում եք, որ այն Աստված, Ով ձեզ փրկեց և ազատագրեց, ձեզ դատապարտելու է: Սատանան է դատապարտություն բերողը: Աստված ձեզ կօգնի՝ գիտակցել

մեղքը, ապա կուղեկցի՝ դուրս գալ այդ ճանապարհից: Իսկ սատանան ձեզ կդատապարտի, ապա կասի, որ տվյալ իրավիճակից դուրս գալու ճանապարհ չկա:

«Էմփոլիֆայդ» Աստվածաշնչում Հովհաննեսի առաջին թղթի 4.18-ը գրված է հետևյալ կերպ.

*«Սիրո մեջ վախ չկա (սարսափ գոյություն չունի), այլ՝ բարձրագույն աճ (ամբողջ, կադարյալ) սերը փակում է դռները վախի առջև և հեռացնում սարսափի ամեն մի հետք: Որովհետև վախն իր հետ բերում է պարծվելու միտք, և (ուստի) ով որ վախենում է, նա չի հասել սիրո կադարյալ հասունությանը (դեռևս չի աճել սիրո ամբողջական կադարելության մեջ)»:*

Շատ մարդիկ մտածում են, որ այս խոսքի իմաստը հետևյալն է՝ եթե դուք բավարար չափով սիրեք ինձ, չեք վախենա ինձնից, կամ էլ՝ եթե բավարար չափով սիրեք ինչ-որ մեկին, վախը կհեռանա ձեր կյանքից: Բայց Աստվածաշունչը սա նկատի չունի: Այս խոսքի իմաստն այն է, որ եթե թույլ տաք՝ Աստված սիրի ձեզ, չեք վախենա: Դուք պետք է թույլ տաք, որ Աստված սիրի ձեզ, եթե չեք ցանկանում վախ ունենալ ձեր կյանքում: Հենց հիմա հավատքով ընդունեք Աստծո ամբողջական սերը, որ ձեզ է պատկանում:

Այնուհետև Աստված ինձ տվեց այն հայտնությունը, որ Իր սերը հեռացնում է վախը: Եվ ես դա պետք է իրագործեի: Երբ մենք ավտովթարի ենթարկվեցինք, մտածում էինք, որ փոխանցման տուփը խախտվեց: Դա կրկին տեղադրելու համար 400-500 դոլար կպահանջվեր, իսկ մենք

այդ ծախսը չէինք նախատեսել: Այդ առավոտ Աստված այցելեց ինձ և ասաց հետևյալը. «Ջոյս, օրդ անցկացրու՝ Ինձ սիրելով, և թոյլ տուր, որ ես էլ քեզ սիրեմ: Քեզնից ուրիշ ոչինչ չի պահանջվում: Դու չպետք է փորձես լինել մեծ հավատքի կին: Ահա, թե ինչ պետք է անես՝ պարզապես մնաս Իմ սիրո մեջ»:

Այսպիսով, ես քայլում էի՝ Աստծուն երգելով և հրաշալի ժամանակ անցկացնելով: Եվ հանկարծակի լսեցի ամուսնուս ձայնը ավտոտնակից: Բայց չէ՞ որ նա մոտավորապես 45 րոպե առաջ աշխատանքի էր գնացել: Նա դուռը բացեց և ասաց. «Ես այդպես էլ չկարողացա փոխել մեքենայի արագությունը: Մենք պետք է ամրացնենք փոխանցման տուփը»: Ես փակեցի դուռը և սկսեցի ծիծաղել: Ես չէի որոշել այդպես վարվել: Այդ ծիծաղն ուղղակի դուրս հորդեց հոգուցս: Աստված ինձ ցույց տվեց, որ դրա պատճառն այն էր, որ առավոտյան Նրա սիրո մեջ էի եղել:

Երբ Աստծուն թույլ եք տալիս սիրել ձեզ, դրանով դուռ եք բացում հավատքի համար: Ես սկսեցի ծիծաղել, ինչը հավատքի դրսևորում էր:

Աբրահամը ծիծաղում էր հավատքի ծիծաղով: Երբ Աստված եկավ և ասաց, որ որդի է ունենալու, Աբրահամը ծիծաղեց և ասաց՝ փա՛նք Աստծուն, ես հավատում եմ: Իսկ Սառան այդ ժամանակ ծիծաղեց կասկածի և անհավատության ծիծաղով: Աստված չկշտամբեց Աբրահամին, բայց Սառային ուղղեց: Նա Աբրահամին չնախատեց ծիծաղելու համար, քանի որ դա հավատքի ծիծաղ էր:

Երբ սատանան հակառակվում է ձեզ, դուք կարող եք ծիծաղել նրա վրա: Չէ՞ որ դուք Աստծուն այնքան լավ եք ճանաչում, որ սատանայի հնարքներն ուղղակի անհեթեթություն են թվում: Դուք վստահ եք, որ Աստված սիրում և պաշտպանում է ձեզ: Այսպիսով, երբ ես ծիծաղում էի՝ լսելով Դեյվի խոսքերը, Աստված մի շատ գորավոր հայտնություն տվեց ինձ, Նա մեղմ և ցածր ձայնով երեք անգամ ասաց. «Ջոյս, եթե շարունակես մնալ Իմ սիրո մեջ, ես երբեք չեմ հուսահատեցնի քեզ»: Այս խոսքերը կարծես արձագանքեցին տնով մեկ© «Ես երբեք չեմ հուսահատեցնի քեզ: Ես երբեք չեմ հուսահատեցնի քեզ...»: Եթե վստահեք Աստծուն, թույլ տաք, որ Նա սիրի ձեզ, և դուք էլ Նրան սիրեք, կմոռանաք հավատքով գործելու ձեր բոլոր մարդկային փորձերը. միայն թույլ տվեք, որ Աստված սիրի ձեզ, և դուք էլ Նրան սիրեք, այդ ժամանակ դուք հեշտությամբ կվստահեք Նրան: Աստծո սերը կհեռացնի ամեն վախ:

Աստված սիրում է ձեզ:



## 6

# Սերը տարածվում է



*«Եվ այս պատվիրանն ունենք Նրանից, թե նա, ով Աստծուն սիրում է, իր եղբորն էլ սիրի»:*

Ա ՀՈՎՀԱՆՆԵՍ 4.21

Դուք Աստծո յուրահատուկ զավակն եք: Նա այս խոսքերն ասել է Երկրորդ Օրինաց 7.6-ում: Եթե սկսեք գործել այս խոսքի համաձայն, դա կփոխի աշխարհը: Դուք կգնաք շուկա՝ ժպիտը ձեր դեմքին, ապա կվերցնեք մթերքների սայլակը և կասեք. «Այն ամենը, ինչին դիպչում եմ, օրհնված է: Ալելուիա: Այսօր այս ամենն օրհնված է, որովհետև ես այս խանութում եմ: Փանք Աստծուն»: Շշուկով երգելով՝ անցեք խանութի միջով և եղեք յուրահատուկ՝ ուր էլ որ գնաք:

Երբ մենք իմանանք, թե որքան յուրահատուկ ենք, և սկսենք գործել այն գիտակցմամբ, որ Աստված սիրում է մեզ, կարող ենք աշխարհը շահել Քրիստոսի համար: Սերը կտարածվի քամու և կրակի նման: Բայց ոչ մի լավ բան էլ չեք անի, եթե ամենուրեք ասեք, որ դուք քրիստոնյա եք, այնուհետև գոռգոռաք բոլորի վրա: Դուք ասում եք. «Ես քրիստոնյա եմ», բայց երբ որևէ ավտոմեքենա կտրում է

ձեր ճանապարհը, բարկանում և ասում եք. «Շտապիր, հիմարի՛ գլուխ, մի՛ խանգարիր: Չգիտես, որ պետք է հասնեն ժողովի: Ես կուշանամ, այ մարդ»:

Այսպիսի վեճեր մենք երբեմն ունենում ենք: Արդյո՞ք դուք պատրաստ եք ամուր բռնելու հաղթությունը և ասելու. «Սատանա՛, դու բավական երկար ժամանակ ինձ ղեկավարել ես ստերով և վախով: Ես յուրահատուկ անձնավորություն եմ և հաղթանակ եմ ունենալու Հիսուսի անունով, քանի որ Աստված սիրում է ինձ, և դու չես կարող որևէ բան անել»: Աստծո սերը, որ մեր մեջ է, կազատագրի ձեզ վախից, և դուք չեք վախենա այդ սերը տարածելուց: Աստված ցանկանում է՝ հավատաք այն խոսքին, որ Նա ավելի մեծ գործեր կանի ձեր միջոցով, քանի որ Հիսուսը գնաց Իր Հոր մոտ: Արդյո՞ք դուք իսկապես հավատում եք, որ Աստված կգործածի ձեզ: Աստված կտա ձեզ այն, ինչի համար հավատում եք Նրան: Դուք չեք վախենա առաջ շարժվելուց:

Ես նույնիսկ չեմ կարող ասել ձեզ, թե քանի անգամ եմ կանգնած եղել հավատքի ժայռի եզրին, այսինքն՝ պատրաստ եմ եղել ինչ-որ ահավոր բան անելու, բայց Աստված ասել է. «Շարժվիր, Ջոյս, շարժվիր: Ես մեծ գործեր կանեմ քո միջոցով: Շարժվիր»: Ես քայլ եմ արել, և Աստված երբեք թույլ չի տվել, որ վայր ընկնեմ: Գիտե՞ք, թե ինչու չպետք է անհանգստանամ ձախողվելուց և առաջ շարժվելուց: Որովհետև գիտեմ, որ Աստված սիրում է ինձ: Նա սիրում է ինձ և գիտի, որ ես էլ սիրում եմ Իրեն, և Իր շնորհ-



քով, կյանքս ներդրել եմ Իր համար: Եթե դուք այսպես եք վարվել և սիրում եք Աստծուն՝ իմանալով, որ Նա էլ ձեզ է սիրում, ամբողջ ստեղծագործության մեջ չի գտնվի որևէ խնդիր, որ կհաղթի ձեզ:

Հռոմեացիներին ուղղված թղթի 8.35-39-ում գրված է.

*«Ապա ո՞վ կբաժանի մեզ Քրիստոսի սիրուց՝ տառապանք, թե՛ նեղություն, թե՛ հալածանք, թե՛ սով, թե՛ մերկություն, թե՛ վրանգ, թե՛ սուր: Ինչպես գրված է, թե՛ Քեզ համար մեռցվում ենք ամեն օր և մորթվելու ոչխարի պես համարվեցինք: Բայց այս բոլոր բաներում առավել ևս հաղթում ենք Նրա միջոցով, ով մեզ սիրեց: Որովհետև հաստատ գիտեմ, որ ո՛չ մահ, ո՛չ կյանք, ո՛չ հրեշտակներ, ո՛չ իշխանություններ, ո՛չ զորություններ, ո՛չ ներկա բաներ, ո՛չ էլ գալու բաներ, ո՛չ բարձրություն, ո՛չ խորություն և ո՛չ մի ուրիշ ստեղծված բան չի կարող մեզ բաժանել Աստծո սիրուց, որ մեր Տեր Հիսուս Քրիստոսում է»:*

Դուք միգուցե գաղափար չունեք, թե որքան է Աստված ցանկանում, որ ազատ լինեք: Աստված ցավում է, երբ դուք տխուր եք: Երբեմն արթնանում եք և ամբողջ օրը վատ տրամադրության մեջ եք: Դուք ոտքով խփում եք կատվին, բղավում եք երեխաների վրա, ասում եք հարևաններին և ունեք ծեղացած, մոայլ, դժգոհ տեսք: Երբեմն այն ամենը, ինչ ես անում եմ, աշխատանքն է՝ աշխատանք, աշխատանք, աշխատանք, և ոչ ոք դա չի գնահատում: Ես գիտեմ, թե ինչ եք անում նման դեպքերում, որովհետև ինքս էլ երբեմն նույնն եմ անում: Երբ երեխաները գալիս են տուն, դուք մտածում եք. «Ինչո՞ւ չեք մնում դպրոցում օրը 14 ժամ՝ 7 ժամվա փոխարեն»: Գիտե՞ք, սա ցավ է պատճա-

նում Աստծուն: Ես չեմ փորձում այնպես անել, որ ձեզ վատ զգաք: Ես ցանկանում եմ, որ գիտակցեք հետևյալը՝ եթե դուք հավատում եք, որ Աստված սիրում է ձեզ, կարծագանքեք այդ սիրուն, և այդ սերը կլցնի ձեզ ու կհոսի մարդկանց վրա: Դուք կլինեք ազատ և սիրված՝ լի բարության պտուղներով:

Եթե ամուր բռնեք այն փաստը, որ Աստված սիրում է ձեզ, ձեր բժշկությունը, բարգավաճումը կկանգնեն ձեր առջև, և ձեր կարիքները կբավարարվեն: Ինչո՞ւ: Որովհետև դուք կսկսեք հանգստանալ: Աստված չի կարող շնորհել մեզ շատ բաներ հիմնականում այն պատճառով, որ մենք չափազանց զբաղված ենք՝ դրանք ձեռք բերելով: Նա պարզապես չի կարողանում մեզ ընդհատել, որպեսզի ի վիճակի լինենք՝ դրանք ընդունելու: Աստված ցանկանում է, որ դուք հանգստանաք Իր մեջ և միայն սիրեք Իրեն: Նա ցանկանում է, որ թույլ տաք Իրեն սիրել ձեզ և ընդունեք Իր սերը: Սատանան չի կարող կանգնեցնել այդ հեղեղը, որովհետև եթե դուք սիրող եք, պետք է նաև տվող լինեք: Դուք չեք կարող սիրել և չտալ:

Աստվածաշնչի Երկրորդ Օրինաց 7.6-ում ասվում է. «...Աստված քեզ ընտրեց, որ դու Նրա համար սեփական ժողովուրդ լինես...»: Աստված կանչել է ձեզ: Միգուցե այս պահին ձեր ծառայությունը ձեր ընտանիքում է, բայց Աստված կանչել է ձեզ: Եթե իսկապես ցանկանում եք գործել Աստծո համար, հենց սկզբից պետք է ճիշտ հիմք դնեք՝ դուք պետք է իմանաք, որ Աստված սիրում է ձեզ: Մի՛ վատ-

նեք ձեր ամբողջ հոգևոր էներգիան՝ կենտրոնանալով ձեր անձի շուրջ և բավարարելով ձեր կարիքները: Այն, ինչ ցանկանում եք, արագ և պարզ կերպով ասեք Աստծուն, ապա զարգացրե՛ք ձեր հավատքը այլ մարդկանց կարիքները բավարարելու համար: Հիսուսն աղոթում և փնտրում էր Իր Հոր երեսը, որպեսզի գորացած դուրս գար և բավարարեր այն մարդկանց կարիքները, ովքեր գալիս էին Իր «հավատքի սեմինարներին»:

Հետո Նա քարոզում էր նրանց, ծեռնադրում էր, և նրանք ընդունում էին հրաշքները: Նա ամբողջ ժամանակ չէր նստում ինչ-որ անկյունում՝ փորձելով հավատալ Աստծուն այս կամ այն բանի համար: Դուք պետք է ասեք Աստծուն այն, ինչ ցանկանում եք, իհարկե՝ խոսքն իրական բաների մասին է: Ձեր կյանքի հիմնական ցանկությունը պետք է լինի այլ մարդկանց կարիքները բավարարելը: Ճշմարիտ բարգավաճումը՝ Աստծո կարողությունը գործածելու ունակությունն է՝ բավարարելու յուրաքանչյուր կարիք, որ ձեր առջև կանգնած է: Աստծո սերը ձեզ կարողություն կտա՝ ուրիշների կարիքները ձերինից առաջ դասելու: Դուք կսկսեք մտածել, որ Աստված այնքան է սիրում ձեզ, որ ընդունակ կդարձնի՝ մոտենալու և սիրելու այն մարդկանց, ովքեր ամեն ինչից դժգոհ են և չգնահատող:

Ոչինչ չի պահանջվում սիրելու համար նրան, ով սիրում է ձեզ: Դրա մեջ ոչ մի կեղծավորություն չկա: Ցանկացած մեղավոր մարդ կարող է դա անել: Բայց երբ սիրեք ձեզ համար տհաճ մարդուն, շարունակ համառորեն պնդեք

ձեր զգացմունքները, Աստծո սերը կփոխի նրան: Դա կարող է պահանջել մեկ, հինգ կամ էլ քսանհինգ տարի, բայց, այնուամենայնիվ, արժե դա անել: Որքան է Հիսուսը սպասել ձեզ: Աստված սիրում է ձեզ և այն մարդկանց, ովքեր շրջապատում են ձեզ: Փրկված լինեն, թե մեղավոր, Նա սիրում է նրանց, և ցանկանում է գործածել ձեզ որպես խողովակ՝ նրանց վրա լցնելու Իր սերը:

Մի վախեցեք առաջ շարժվելուց: Աստծո սերը ձեզ ազատագրում է վախից և դատապարտությունից, և Նա ձեզ տվել է սիրելու կարողություն: Որոշե՛ք տարածել Աստծո սերն ամենուրեք: Սկսե՛ք ընկերական լինել մարդկանց նկատմամբ: Դա թող լինի ձեր աշխատանքը Քրիստոսի մարմնի մեջ: Խնդրե՛ք մարդկանց ճաշել ձեզ հետ և թո՛ւյլ տվե՛ք, որ մարդիկ այցելեն ձեզ: Սեղմե՛ք մարդկանց ձեռքերը՝ ժպիտով: Աստված ինչ-որ բան ունի անելու ձեզ համար: Նա ցանկանում է ձեզ գործածել այնպես, ինչպես չի գործածել այս երկրի վրա ապրող մեկ ուրիշ արարածի: Կան մարդիկ, որոնց միայն դուք կարող եք ծառայել: Ձեզնից բացի ոչ ոք չի կարող հասնել այդ մարդկանց: Խնդրե՛ք Աստծուն, որ ձեզ ճանապարհներ ցույց տա՝ Իր սիրով մոտենալու նրանց, և Նա կսովորեցնի ձեզ:

Աստված սիրում է ձեզ:

## 7

# Աստծո սերը կփոխի ձեզ



*«Սրանում է սերը, որ ոչ թե մենք սիրեցինք Աստծուն, այլ Նա սիրեց մեզ և ուղարկեց Իր Որդուն՝ քավություն մեր մեղքերի համար»:*

Ա ՀՈՎՀԱՆՆԵՍ 4.10

Աստված սիրում է մեզ, բայց ես չեմ կարծում, որ մեզնից շատերը իսկապես հասկանում են այն սերը, որով Աստված սիրում է մեզ: Երբ սկսեցի խորհել այդ սիրո մասին, Աստված ինձ ցույց տվեց, որ եթե իսկապես ճանաչեինք մեր հոգում, թե որքան շատ է Նա սիրում մեզ, կբարձրանայինք և կդառնայինք բոլորովին այլ մարդիկ, քան շատ անգամներ ներկայանում ենք: Խորհե՛ք ձեր հանդեպ Աստծո սիրո մասին: Ահա թե ինչը կփոխի ձեզ: Եթե դուք չեք սիրում ինչ-որ բան ձեր անձի մեջ, իմանալով հանդերձ իմացեք, որ Աստծո սերը կփոխի ձեզ: Ինչ եք զգում, երբ իմանում եք, որ ինչ-որ մեկը սիրում է ձեզ: Դուք լավ եք զգում, ճիշտ է: Աստված ինձ ասաց, որ որոշ մարդիկ, ովքեր կկարդան այս գիրքը, ատում են իրենց անձը: Դուք ատում եք այն բաները, ինչ անում եք, և հաճախակի պայքարում եք հին մարդու դեմ՝ չընդունելով, որ նոր ստեղծագործություն եք:

Քանի դեռ դուք ամեն տեղ գնում եք՝ ձեր անձից վատ զգալով, ձեզ ատելով, չսիրելով և չգիտակցելով, թե որքան յուրահատուկ եք, երբեք չեք գործի յուրահատուկ կերպով: Աստվածաշնչում ասվում է. «Որովհետև նա՛ ինչպես որ իր սրտում հաշիվներ անող է՝ այնպես է...» (Առակ. 23.7): Սրա պատճառն այն է, որ դուք իսկապես ամուր չեք բռնել այն փաստը, որ Աստված սիրում է ձեզ: Ձորավոր բան է՝ իմանալ, թե որքան շատ է Նա սիրում ձեզ: Աստված ցանկանում է, որ հաշտ ապրեք Իր հետ, և ձեր ամենօրյա փոխհարաբերություններն ամուր հիմք ունենան: Ահա թե ինչը կփոխի ձեզ: Եթե դուք Աստծուն չեք տալիս առաջնահերթությունը, Նա չի կարող անել այն, ինչ ցանկանում է: Իսկ եթե ձեր ծածուկ ժամանակն անցկացնում եք Աստծո հետ՝ ուղղակի սիրելով Նրան և թույլ տալով, որ Նա սիրի ձեզ, ձեր ներսի հոգևոր մարդը կաճի և կգորանա:

Մարդկանց մեծ մասը ծույլ է և գերադասում է դա չանել: Մարդիկ կցանկանային, որ մեկ ուրիշը դա աներ իրենց փոխարեն: Պատճառաբանություններ մի՛ փնտրեք: Յուրաքանչյուր ոք, ով ընթերցում է այս խոսքերը, եթե փոխհարաբերություն չունի Աստծո հետ, դատապարտված է, քանի որ դրանից անմիջապես հետո սատանան կգա և կասի. «Բայց դու ուրիշ շատ բաներ ունես անելու»: Ես գիտեմ, թե ինչպես է դա լինում. սատանան պատճառներ է բերում՝ մեկը մյուսի ետևից: Լրջորեն վերաբերվեք Աստծո հետ և կանչեք Նրան: Աստծո խոսքը և Նրա հետ հաղորդակցությունը կփոխեն ձեզ:

Աստված ձեզ ընդունակ է դարձրել: Պողոսը Փիլիպեցիներին ուղղված թղթի 4.13-ում ասում է. «Ես ամեն բան կա-

րող եմ ինձ գորացնող Հիսուս Քրիստոսով»: Այլ խոսքով՝ ամբողջ ստեղծագործության մեջ չկա որևէ բան, որ չկարողանաք անել Հիսուս Քրիստոսի գործությամբ:

Երբ Աստված ձեզ ցույց է տալիս խնդիրը, անմիջապես պետք է զորանաք և հաղթեք դա: Եթե դուք ներքուստ բարձրանաք, ընդունեք ձեր հանդեպ Աստծո սերը և մերժեք այդ կեղտոտ, ստախոս սատանային, որ ձեզ ասում է, թե որքան ապականված ու վատն եք, կսկսեք գործել հաղթությամբ: Հավանական է, որ այժմ գործում եք սարսափով, բայց կարող եք գործել բոլորովին այլ կերպ, եթե հավատաք, որ նոր ստեղծագործություն եք: Դուք երբեք ոչինչ չեք փոխի, մինչև ներքուստ չբարձրանաք և չասեք. «Փանք Աստծուն, ես յուրահատուկ եմ: Ես սուրբ եմ: Աստված ընտրել է ինձ: Նա լվացել է ինձ Գառնուկի այրամբ: Ես գործելու եմ այդ հիմքի վրա: Եվ ինձ չի հետաքրքրում, սատանա՛, թե որքան սխալներ եմ արել: Աստված այնչափ մեծ է, որ բարձրացնում է ինձ, և ստիպում է, որ շարունակեմ: Նա մաքրում է իմ բոլոր կեղտոտությունները»:

Ինչը կարող է բաժանել ձեզ Աստծուց, եթե «իմանալով հանդերձ գիտեք», որ Աստված սիրում է ձեզ: Չկա որևէ խնդիր: Դուք կհաղթահարեք ամեն բան: Դուք ցանկանում եք լինել հաղթող: Եթե այո՝ պատասխանեք ևս մեկ հարցի՝ դուք ցանկանում եք ունենալ մարտահրավերներ: Սա է աճելու միակ ճանապարհը: Եթե դուք չունեք որևէ խնդիր, երբեք չեք ունենա հաղթելու որևէ առիթ: Ինչո՞վ եք հղկելու ձեր հավատքի ատամները: Այն խնդիրները, որոնք ծանոնում են ձեր դեմ, գործածեք որպես հնարավորություն՝

աճելու համար: Հայտնաբերե՞ք այն, ինչ կաներ Աստված, քանի որ Նա սիրում է ձեզ: Եթե դուք վստահեք Աստծուն, թույլ տաք, որ Նա սիրի ձեզ, և դուք էլ սիրեք Նրան, կարող եք մոռանալ հավատքով գործելու ձեր բոլոր փորձերը և մտնել Նրա հանգստի մեջ:

Եթե միայն թույլ տաք, որ Աստված սիրի ձեզ, և դուք էլ Նրան սիրեք, ամբողջ օրը կշրջեք արբած մարդու նման՝ Հոգով արբած մարդու: Ահա այդ ժամանակ է, երբ պարագաները չեն ազդի ձեզ վրա, քանի որ դուք գնում եք ամենուրեք՝ գործելով Աստծո սիրով:

Երբ ես մկրտվեցի Սուրբ Հոգով, առաջին 3 շաբաթը արբած էի Աստծո սիրով: Մարդիկ շարունակ ինձ հարցնում էին. «Ինչ է պատահել քեզ: Դու բոլորովին ուրիշ ես: Զո՞յս, այս ամենն անհավատալի է: Ի՞նչ է պատահել քեզ»: Կարիք չկար, որ ես ինչ-որ բան ասեի նրանց՝ համոզելու համար, որ փոխվել էի: Նրանք դա տեսնում էին:

Եթե դուք գործում եք Աստծո սիրով, միշտ կժպտաք: Դուք ավելի կգեղեցկանաք: Կունենաք ուժ և եռանդ: Կկարողանաք ծառայել մարդկանց: Պատճառն այն է, որ դուք կլիցքավորվեք Սուրբ Հոգով, և ցանկացած կարիք, որ կունենաք, կբավարարվի:

Ինքներդ ձեզ ասե՛ք. «Աստված սիրում է ինձ: Ալելուիա, Աստված սիրում է ինձ: Ես Նրա յուրահատուկ զավակն եմ: Աստված սիրում է ինձ»: Այնուհետև առաջ շարժվեք, հավատքի մեծ քայլ արե՛ք և հավատացե՛ք դրան:

Աստված իսկապես սիրում է ձեզ:



# Ապրէք նոր կյանք



Եթե դուք երբեք չեք հրավիրել Հիսուսին՝ դառնալու ձեր Տերը և Փրկիչը, ես հորդորում եմ, որ դա հիմա անեք: Աղոթեք հետևյալ աղոթքը: Եթե իսկապես անկեղծ լինեք, կապրէք նոր կյանք՝ Քրիստոսով:

«Հայր Աստված, ես հավատում եմ, որ Հիսուս Քրիստոսը Քո Որդին է՝ աշխարհի Փրկիչը: Ես հավատում եմ, որ Նա մահացավ խաչափայտին ինձ համար և կրեց իմ բոլոր մեղքերը: Նա գին վճարեց իմ մեղքերի համար: Նա վերցրեց իմ պատիժը, որին ես էի արժանի: Ես հավատում եմ, որ Հիսուսը հարության առավ մեռելներից և այժմ նստած է Քո աջ կողքին: Ես Քո կարիքն ունեմ, Հիսուս: Ներիր իմ մեղքերը, փրկիր ինձ, եկ ու ապրիր իմ հոգում: Ես ցանկանում եմ վերստին ծնվել»:

Այժմ հավատացե՛ք, որ Հիսուսն ապրում է ձեր սրտում: Դուք ներված եք, արդարացված եք և Երկինք կգնաք: Այցելե՛ք լավ եկեղեցի, որտեղ սովորեցնում են Աստծո Խոսքը, և աճե՛ք Քրիստոսի մեջ: Ոչ մի բան ձեր կյանքում չի փոխվի՝ առանց Աստծո Խոսքի գիտության: Հովհաննեսի Ավետարանի 8.31,32 խոսքերում ասվում է. «...Եթե դուք Իմ Խոսքի մեջ կենաք, ճշմարտապես Իմ աշակերտներն եք: Եվ ճշմարտությունը կճանաչեք, և ճշմարտությունը կազատի ձեզ»:

Ես հորդորում եմ, որ ընդունեք Աստծո Խոսքը, սերմանեք ձեր սրտի խորքում և փոխվեք, ինչպես Կորնթացիներին ուղղված երկրորդ թղթի 3.18-ում է ասվում. «Բայց մենք՝ ամենքս, բաց երեսով տեսնելով Տիրոջ փառքը՝ ինչպես հայելու մեջ, նույն պատկերի նման կերպարանափոխվում ենք՝ փառքից դեպի փառք՝ ինչպես Տիրոջ Հոգուց»:

# ԱՍՏՎԱԾ ՍԻՐՈՒՄ Է ՁԵՁ



Աստված ցանկանում է, որ դուք հավատաք և վստահեք այն փաստին, որ Նա սիրում է ձեզ: Նա սիրում է ձեզ ոչ թե այն պատճառով, որ դուք ինչ-որ ճիշտ բան եք արել, այլ՝ Նա պարզապես սիրում է ձեզ: Այս կատարյալ սիրո գիտակցումը կհեռացնի ամեն վախ՝ ըստ Հովհաննեսի առաջին թղթի 4.18 խոսքի: Եփեսացիներին ուղղված թղթի 3-րդ գլխում ասվում է, որ մենք արմատավորվում և հաստատվում ենք Աստծո սիրով:

Ես հավատում եմ, որ մարդկանց դժվարությունների մեծ մասը այն գիտության պակասից է, որ Աստված սիրում է նրանց անհատապես: Դա նրանց պատճառում է վախ, անհանգստություն, անվստահություն և շատ այլ նեղություններ, որոնցից Հիսուսն արդեն ազատագրել է մեզ:

Կարդացե՛ք այս գիրքը՝ հավատալով, որ Աստված ձեր հանդեպ ունեցած Իր սիրո էության մասին հայտնություն կտա ձեզ՝ որպես թանկագին անձնավորության՝ Քրիստոսի մարմնի մեջ: ԴՈՒՔ ԿԱՐԵՎՈՐ ԵՔ ԱՍՏԾՈ ՀԱՄԱՐ:



# Հեղինակի մասին



Ջոյս Մայերն Աստծո Խոսքն ուսուցանում է դեռևս 1976 թվականից և ամբողջական ծառայության է անցել 1980 թվականից: Որպես հովվի օգնական «Կյանք» Քրիստոնեական կենտրոնում, որը գտնվում է Միսսուրիի Լյուիս քաղաքում, նա զարգացրել, կոորդինացրել և սովորեցրել է «Կյանք՝ Խոսքի մեջ» անվանումով շաբաթական հավաքույթներում: Հինգ տարի անց Աստված այդ աշխատանքն ավարտին է մոտեցնում՝ առաջնորդելով նրան հաստատելու իր անձնական ծառայությունը և այն կոչելու «Կյանք՝ Խոսքի մեջ» անունով:

Ջոյսի «Կյանք՝ Խոսքի մեջ» ռադիոհաղորդումը հեռարձակվում է ավելի քան 250 ազգային ռադիոկայաններով: 1993 թվականին հեռարձակվեց «Կյանք՝ Խոսքի մեջ՝ Ջոյս Մայերի հետ» 30 րոպեանոց հեռուստածրագիրը, որը տարածվեց ամբողջ Միացյալ Նահանգներով, ինչպես նաև մի քանի արտասահմանյան երկրներով: Նրա ուսուցողական տեսահոլովակներից օգտվում են շատ երկրներում: Նա հաճախ է ճամփորդում՝ ուսուցանելով «Կյանք՝ Խոսքի մեջ» խորագրով կոնֆերանսների ընթացքում՝ հանդես գալով տեղական եկեղեցիներում: Ջոյսը և ամուսինը՝ Դեյվը, ով «Կյանք՝ Խոսքի մեջ» ծառայության ֆինանսների կառավարիչն է, ամուսնացել են ավելի քան 31 տարի առաջ և ունեն

չորս երեխա: Երեքն ամուսնացած են, իսկ կրտսեր որդին ներկայումս իրենց հետ ապրում է Ֆենտոնում, Միսսուրիի Լյուիս քաղաքի արվարձանների մոտ:

Ջոյսը հավատում է, որ իր կյանքի կոչումը՝ հավատացյալներին Աստծո Խոսքի մեջ հաստատելն է: Նա ասում է. «Հիսուսը մահացավ, որ ազատի գերիներին, բայց կան քրիստոնյաներ, որոնք շատ քիչ հաղթություններ ունեն կյանքում, կամ էլ, առհասարակ, չունեն»: Շատ տարիներ առաջ իրեն հայտնաբերելով նույն իրավիճակում և Աստծո Խոսքը կիրառելով՝ նա ձեռք է բերում ազատություն: Ապրելով հաղթության կյանք՝ Ջոյսը սպառազինվում է՝ գերիներին ազատելու և «մոխրի փոխարեն փառք» բերելու:

Ջոյսը շնչավոր բժշկության վերաբերյալ և դրա հետ կապված թեմաներով ուսուցանել է տարբեր երկրներում՝ օգնելով հազարավոր մարդկանց: Նա ծայնագրել է ավելի քան 165 տարբեր ծայներիզների ալբոմ, և հեղինակ է 25 գրքերի, որոնք արժեքավոր են Քրիստոսի մարմնի համար: Նրա «Զգացմունքների բժշկություն» ծրագրաշարն ունի 23 ուսուցման ժամեր: Այս ծրագրում ներկայացնում է հետևյալ նյութերը՝ «Վստահություն», «Մոխրի տեղ՝ փառք» (ներառում է ծրագիր), «Ղեկավարել զգացմունքները», «Վրդովմունք, վիրավորվածություն և աններողամտություն», «Մերժվածության արմատը» և «Բժշկել սրտով կոտրվածներին» 90 բոպեանոց աստվածաշնչյան խոսքերից կազմված ծայնասկավառակը:

Ջոյսի «Մտքի ձևավորում» գիրքը նկարագրում է մտքի թեմային նվիրված հինգ տարբեր ծայներիզային քարոզչություններ, որոնք ներառում են «Մտավոր ամրոցներ և մտածողություններ», «Անապատային մտածողություն», «Մարմնավոր միտք», «Անհանգստություն և մտահոգված միտք», «Միտք, բերան, տրամադրություն և դիրք» թեմաները: Փաթեթը նաև պարունակում է Ջոյսի «Միտքը կռվի դաշտն է» 260 էջանոց հզոր գիրքը: Նա ունի սիրո թեմային նվիրված երկու տեսաժապավենային քարոզչություն՝ «Սերը՝ ...» և «Սերը՝ որպես բարձրագույն զորություն» վերնագրերով:

Գրե՛ք Զոյս Մայերի աշխատասենյակ՝ նյութերի,  
կատալոգների և մանրամասն տեղեկությունների համար,  
եթե ձեզ հետաքրքրում է, թե ինչպես ձեռք բերել այն  
տեսաժապավենները, որոնց կարիքն ունեք՝ ձեր կյանքում  
կատարյալ բժշկություն բերելու համար:





## Բացահայտի՛ր Աստծո անվերապահ սիրո պարզևը քեզ համար

Աստծո զորության և սիրո ամեն մասնիկ հասանելի է քեզ, այսօր: Դու պարզապես մեկը չես ամբոխի մեջ: Աստված սիրում է քեզ՝ նույնիսկ եթե լինեիր միակ մարդը Երկրի վրա: Խնդիրն այն է, որ ինչպես շատ մարդիկ, դու նույնպես չես կարող հասկանալ դա... կամ եթե հասկանում ես մտքով, չես կարող զգալ այն սրտով. այժմ դու կարո՞ղ ես: Այս ոգեշնչող հզոր գիրքը, քեզ ցույց կտա.

- Ինչպե՞ս ճանաչել Աստծո սերը,
- Ինչպե՞ս դադարեցնել հետաքրքրվելը՝ արդյո՞ք բավական լավն ես Աստծո համար,
- Ինչպե՞ս կարելի է հայտնություն ստանալ Աստծո զարմանալի սիրո մասին,
- Ինչպե՞ս գտնել Աստծուն նույնիսկ կյանքի ամենացավոտ հանգամանքներում,
- Ինչպե՞ս Աստծո սերը կփոխի քեզ ընդմիշտ:

Կիսվելով սեփական կյանքի հայտնությունով՝ Ջոյս Մայերը սուրբգրային խոսքերով և իմաստությամբ կբացի պատուհան՝ դեպի Աստծո սերը... և թող այդ լույսը անձնապես փայլի քեզ վրա: